

四明叢書

張宗祥



張蒼水集卷三

明鄞張煌言玄著撰 同縣後學張壽鏞編次

奇零草

己亥元旦 己亥

海雲冉冉曙光催百穀新
口旭日開筵得革來原遇己
春從臘至似方孩聲靈共
識尊中夏氣象初驚動上台
自笑封侯安有骨爲言強仕更徘徊

海上觀燈限十五刪十五咸二韻 己亥

島嶼微茫午夜閒魚龍漫衍出塵寰
蘭缸射水翻星漢

蓮幕傳烽破玉山香擁虹橋千里外芒寒蜃市九霄間
遙憐歌舞長安地銀鑰今宵自不關

極目滄波明鏡函火珠獨見燭龍啣鮫人夜貢珊瑚樹
雲母春開錦繡帆金谷未須誇富貴瑤池應不隔仙凡
自來三五傳柑勝莫惜霞觴付酒監

閏元宵

限十四鹽 己亥

每惜春宵未可淹天留倒景上元添燈毬前度何時再
簫鼓平分此夜兼靈雨故遲桃李候春風仍入柳梅占
不愁曉箭相催急只恐金吾令已嚴

閏元宵排律十四韻

己亥

獻歲杓頻指良宵箭獨稠東皇添玉曆南陌駐銀鈎
蕤應雙吐椒花已兩浮小年燈市永午夜漏聲悠月令
初中節風光第幾籌蟾輝看倍皎鶯語聽全流復擬傳
柑會偏宜秉燭遊流黃連夕怨拾翠隔旬愁柳弱先披
拂梅寒故逗遛乾坤分正閏夷夏辨春秋只此尊天統
因之念帝憂耗磨何足論伏臘豈相謀金鑰方重闢銀
缸可再篝香塵還冉冉歌吹幾時收

泊馬蹄轡戲成

己亥

問馬蹄春風陌上走銅鞮誤被秦皇驅入海玉勒金鞍
不敢嘶龍媒自是波間種何用天閑錦障泥

笑馬蹄骨亦千金志千里追風逐電何處來卻與鯨鯢
鬪江水安得飛騰去渥洼依然負圖獻天子

泉穴魚

己亥

南有鮒魚實生泉穴臣于鼃君鼃行仰沫水族失歡暴
腮勿活豈其攫鱗貪餌故絕

代內人獄中有寄

己亥

國破已飲泣家破復間關自君之出矣妾媵君亦鰥兒

女雖有情不在別離間上堂潔脯脰下堂代斑斕知君
驅汗馬豈敢怨紅顏夷官張羅網忠義委草菅奄忽大
椿謝君滯滄海灣兀然生死魂并作鮫珠潛君行寶膚
髮奔跣安所還妾自感百羅飛蓬任雙鬟衰門旣零落
空聞誰貞艱哀哉井臼婦終年困狴犴非不輕微生將
雛實且孱園扉滋味惡燐青碧血殷古稱東海婦嚴霜
暑路班胡天嘗夢夢莫辨玦與環如何貫索星獨照望
夫山視彼磨笄峰高名良可攀難將妾巾幘往佐君羽
綸報君還祝君旂常樹人寰

擬答內人獄中有寄 己亥

盛年不惜別客久始懷慚我非蓬蒿人江湖遂屢淹況
復避豺虎誰能解征衫孤雁自西來髣髴墮書函書中
寄珍重書外淚重緘恍見閨中秀吞聲寫素縑卿今陷
虎穴雙魚何從探珊瑚魂魄來關河諒非諳棘林魑魅
鄉骨肉各生嫌穉子亦囊頭狼狽形影兼憶我初行役
兵戈未戒嚴驅馳悲九折輾轉歲華添白雲空繚繞長
此傷烏銜水鷗雖忘機安得比鷦鷯名教自束躬柔情
匪所耽憐卿持門戶鼎俎心已甘豐獄有理劍紫氣若

烟炎莫邪獨掩抑干將慘不銛神物庶終合造化焉能
殲生當挽鹿車死當駕雲轡

聞貴陽失守

己亥

百粵河山已自愁播遷此日更堪憂方傳檣杙從南竄
豈意欃槍自北流險阻莫能關象郡炎荒何處割鴻溝
一成賴有滇雲在捲土誰爲借箸籌

得徐闇公信以交行詩刻見寄二首

己亥

天南消息近成虛一卷新詩當尺書誰看墜鷺偏擊權
似聞鳴憤竟迴車蠻夷總在天威外越雋應非王會初

讀罷瑤篇還涕淚行吟何獨有三閭

瘴海誰堪汗漫行知君五月在舟程鯁人鼓鬣驚濤暗
烏鬼含沙宿霧生溫嶠已乖歸闕望張鷟徒負泛槎名
武陵溪畔桃源客故節依然蘇子卿

會師東甌漫成

己亥

甌越江聲動鼓鼙霸圖南北似雞棲誰爲揖客稱司馬
獨將遊兵是水犀箸借白來非爲漢瑟操猶恐未工齊
十年種蠡成何事敢向人前說會稽

江上聞笛

己亥

江濤日夜堆雲屋有酒難向江瀨渡忽聞笛韻橫江來
金山數峰愛青簇笛聲不似水聲幽聲慘潮生響飛瀑
月痕淡洗天爲空一曲瀟湘醒倦目亦有羈人青雀舫
穩載客愁二千斛起舞鸛鵒江影底四顧蒼茫復慟哭
獨汲江心水一盂活火烹來滌煩煥餘情嫋嫋笛轉清
拍手長吟和孤竹歌者有意吹無心嘈然那分竹與肉
嗟嗟江上聽笛人獨抱琵琶就人宿知音若我世所稀
鄰舟逋客眠初熟

師次觀音門

己亥

樓船十萬石頭城鍾阜依然拱舊京
弓劍秋藏雲五色旌旗夜度月三更
中原父老還扶杖絕塞河山自寢兵
不信封侯皆上將前茅獨讓棄繻生

師次蕪湖時余所遣前軍已受降

己亥

元戎小隊壓江關面縛長鯨敢逆顏
天楚衣冠左袵後蕭梁城郭暮笳聞
王師未必皆無戰胡馬相傳已不還
寄語壺漿休怨望懸軍端欲慰民艱

師入太平府

己亥

天驕取水奉冠裳畿輔長驅鐵兩檣
王業昔誰開采石

霸圖古亦起丹陽百年禮樂還豐鎬一路雲霓載酒漿
此去神京原咫尺龍蟠虎踞待重光

姑熟既下和州無爲州及高淳溧水溧陽建平廬
江舒城含山巢縣諸邑相繼來歸

千將一試已芒寒赤縣神州次第安建業山川吳帝闕
皖城戈甲魏軍壇東來玉帛空胡虜北望銅符盡漢官
猶憶高皇初定鼎和陽草昧正艱難

驛書至偏師已復池州府

己亥

赤羽飛馳露布譁銅陵西去斷胡笳橫流錦纜空三楚

出峽霓旌接九華歌吹已知來澤國樵蘇莫遣向田家
前驅要識王師意劍躍弓鳴亦漫誇

師入寧國時徽郡來降留都尙未克復

日亥

千騎東方出上遊天聲今喜到宣州威儀此日驚司隸
勲業何人愧徹侯舊闕烽烟須早靖新都版籍已全收
遺民莫道來蘇好猶恐瘡痍未可瘳

閒行雜感二首

己亥

鐵幢纔解又芒屨姓氏逢人且自埋夜踏曉巖驚伏虎
朝披霧露避羣豺乾坤蒼莽投金澗徑路蕭涼阻玉階

贏得風衣兼雨帽相看不是舊形骸

一椎可奈誤秦車蕭瑟秋風圯上書伏匿那能忘鐵馬
潛游猶覺負銀魚荒村雲擾難敲枕單衾霜深已敝裾
總是姓名隨地變任呼牛馬亦何如

經烏江二首

己亥

楚歌聲裏霸圖空匹馬歸來勢自雄四百年餘炎火斷
誰知隆準一重瞳

旌旗垓下亦堪翻戰士其如憶故園縱向江東收燼去
應無子弟到中原

樅陽謠二首 己亥

八尺風帆百丈牽
樅陽湖裏去如烟
江南米價秋來長
喜殺桐槽賣稻船

沿湖下網蕩湖船
網內纖鱗錦樣鮮
燈火湖邊兒女笑
魚秧種得不須田

黃湓謠二首 己亥

妾家生小住黃湓
亂挽烏雲剗著禪
九月魚腥湖上熟
自搖蘭槳過前村

黃湓買客百金裝
湓口長年醉索郎
聞說江干烽火急

停橈一曲古襄陽

新安溪行 己亥

曲曲溪流面面山青峰千折水千灣山亭擁霧遙疑塔
水碓春雲巧作關越榜下灘雙槳疾吳鹽到界一帆閒
卻看兩岸楓林晚似送離愁照客顏

寄宿石塘菴與居人道定西侯往事 己亥

漢臘誰留十五年琴亡島嶼尙蒼然野人偏愛甘棠樹
義士猶吟華屋篇海有浮鷗憐後死村無眠犢憶前賢
請看緱嶺今宵月可得將軍勒馬還

生還四首

己亥

落魄鬚眉在招魂部曲稀生還非眾望死戰有誰歸
蹈險身謀拙包羞心事違江東父老見一一問重圍
痛定悲疇昔江臯望陣雲飛熊先失律騎虎竟孤軍
鹵莽焚舟計虺隤汗馬勲至今頻扼腕野哭不堪聞
本以揚旌去胡爲棄甲旋名城空繡錯故老盡株連
百折終何補千秋倘復憐亦知收燼易蕭索媿金縢
奔北誰能殿圖南我亦迷翻令百步笑未得一枝棲
孤島搖烽燧登壇恃鼓鼙風雲蹉跌後無計展霜蹄